

Serie A N.º 0361359

**SESIÓN EXTRAORDINARIA E URGENTE CELEBRADA POLO PLENO DO  
CONCELLO O DÍA 13/XULLO/1997**

Na Casa do Concello de Redondela, sendo as doce horas do día catorce de xullo de mil novecentos noventa e sete, previa convocatoria, e baixo a presidencia do Sr. Alcalde, D. AMADO RICÓN VIRULEGIO, reuníronse os Sres. Concelleiros/as: D. JOSÉ BLANCO PUGA, D<sup>a</sup> FRANCISCA CANAL GÓMEZ, D. JAIME DARRIBA VILAS, D. GUMERSINDO FERNÁNDEZ MÉNDEZ, D. EMILIO GONZÁLEZ IGLESIAS, D. MANUEL IGLESIAS CARRERA, D. LUIS ALBERTO MÍGUEZ DOCAMPO, D. LUIS ALBERTO ORGE MÍGUEZ, D. XOSÉ CARLOS PAZOS DOCAMPO, D. MANUEL PIÑEIRO COSTAS, D. FRANCISCO PUCH CASAL, D. XAIME REI BARREIRO, D. LUIS RODRÍGUEZ VILARCHÁN, D. JOSÉ MANUEL SOTO VIRULEGIO, D. JAIME TORNERO LÓPEZ e D<sup>a</sup>. JOSEFA VILLASVERDE RODRÍGUEZ, actuando como Secretario que certifica D. LUIS TORRADO VÁZQUEZ, se constitúe o Pleno do Il<sup>to</sup>. Concello, en sesión extraordinaria e urgente correspondente ó día da data.

Pola Presidencia, sométese a votación polo Pleno a urxencia da sesión extraordinaria convocada.

Este Concello Pleno, por unanimidade de tódolos Sres. Concelleiros asistentes, ratifícase na declaración de URXENCIA da presente Orde do Día.

A continuación pola Presidencia dase lectura da proposta de acordo consensuado polos grupos políticos.

Ante a confirmación do asasinato de MIGUEL ÁNGEL BLANCO GARRIDO pola banda terrorista e mafiosa de ETA, a Corporación do Concello de Redondela en Pleno adopta o seguinte:

**ACORDO**

1º.- Manifesta-la nosa máis enérxica condena, repulsa e indignación polos feitos acontecidos.

2º.- Rechaza-la chantaxe e a intolerancia dos que din loitar pola liberdade do seu pobo coa violencia, extorsión e métodos terroristas.

3º.- Expresa-la solidariedade do pobo de Redondela co sufrimento da familia, amigos e compañeiros de Miguel Ángel Blanco Garrido.

4º.- Expresar ó pobo BASCO, GALEGO, e ó resto das xentes do Estado Español a nosa resposta unánime en contra da intolerancia da violencia, e a favor da paz, a vida e a liberdade.

Pola Presidencia, ábrese o correspondente debate.



Concedida a palabra pola Presidencia ó Sr. Concelleiro Pazos Docampo por éste xustificase a ausencia da súa compañeira D<sup>a</sup> Cecilia Pérez Orge, por atoparse a mesma de viaxe, e do Concelleiro D. José Luis Grande Grande, pola imposibilidade de contactar co mesmo. Remata a súa intervención, sinalando que asume tódolos puntos da proposta da que acaba de dar lectura.


Concedida a palabra pola Presidencia ó Sr. Rei Barreiro, por este manifestase que deben seguir as mobilizacións para procurar que inflúan na xente máis sensible de ETA como resposta á súas accións, e que saiban que están totalmente aillados. E remata a súa exposición mostrándose de acordo coa proposta referida.

Concedida a palabra pola Presidencia ó Sr. Concelleiro Soto Virulegio, por este móstrase o seu acordo coa proposta aludida, indicando que non entende os feitos de xente que non ten corazón e sentido común, mostrando o seu apoio á familia de Blanco Garrido, e ó pobo basco, que non quere seguir con esa lacra.

Por unanimidade de tódolos Concelleiros este Concello Pleno prestoulle a súa aprobación á proposta de acordo obxecto desta sesión.

E, non sendo outro o obxecto desta sesión, pola Presidencia levántase a mesma, sendo as doce horas e vinte minutos da data fixada no encabezamento, en proba do todo o que, se estende a presente Acta, que se inscribiu no Libro no folio 116 do Papel Timbarado da Comunidade Autónoma de Galicia, Serie A n<sup>o</sup> 0361359 ata a volta do folio 116, de todo o que, como Secretario, DOU FE.

O ALCALDE



AMADO RICÓN VIRULEGIO

O SECRETARIO

LUIS TORRADO VÁZQUEZ